

四庫全書

集部

欽定四庫全書

須溪集卷十

宋 劉辰翁 撰

詞

沁園春

和槐城  
自壽

六十一翁垂銀帶魚插四角輪把百箇今朝重排花甲  
十年前事似舊壘辛散選功名酒中富貴管取當筵滿  
勸旬槐知道待二郎做甚父子封申 便應際會昌辰  
怕林下相逢未是真看焚芟裂荷起鍾山笑賣田僦馬

墮貢生貧後六十年有無窮事是宰官身是報身年來  
好莫做他宰相便是全人

前調

再和槐城  
自壽韻

劉子生時當月下弦輸大半輪記孤館望雲朝飢諷午  
寒爐擁雪歲晚盤辛比似先生兩壬相望豈止參差一  
二旬明年好算乞漿得酒酉勝如申 吾辰定是雌辰  
聽窮鬼揶揄數得真但鶴唳華亭貴何似賤珠沉金谷  
富不如貧明月清風晴春暖日出入千重雲水身吾老

矣嘆臣之少也已不如人

前調

和槐城  
見壽

成佛生天自是兩途任祖生先看二三大老依稀吾榜  
幾多新進少小齊年紫陌相逢青山獨往倚杖鶴鳴聽  
布泉百年裏但兒時難得老後依然吾牛已不耕田  
更雨滑泥深自在鞭歎十年波浪悠悠何補三生石上  
種種無緣白髮來呵朱顏去也一曲狂歌落酒邊誰似  
我似官奴出籍散聖安禪

前調

聞歌

十八年間黃公壚下崔九堂前歎人生何似飄花陌上  
妾身難托賣鏡橋邊隔幔雲深統梁聲徹不負楊枝舊  
日傳主人好但留髡一石空惱彭宣不因浩歎明年  
也不為青衫愴四筵念故人何在舊遊如夢清風明月  
野草荒田俛仰無情高歌有恨四壁蕭條久絕絃秋江  
晚但一聲河滿我自潜然

前調

和劉仲簡  
九日韻

九日黃花淵明之後誰當汝  
儔記龍山昨夜寒泉九井  
帽輕似葉鬢戟如虬  
庾扇西風孔林落照銀海橫波十  
二樓閒笑道那華亭上蔡再見何由  
人生似我何求  
筭惟有高人高處遊  
笑如今別駕前時方外塵埃半百  
歲月如流如此連墻經年不見一首  
猶勝萬戶侯偷閒  
好便明朝有約莫莫休休

前調

送春

春汝歸歟風雨蔽江煙塵暗  
天况鴈門阨塞龍沙渺莽

東連吳會西至秦川芳草迷津飛花擁道小為蓬壺借  
百年江南好問夫君何事不少留連 江南正自堪憐  
但滿眼楊花化白氈看兔葵燕麥華清宮裏蜂黃蝶粉  
凝碧池邊我已無家君歸何里中路徘徊七寶鞭風回  
處寄一聲珍重兩地潸然

前調

笑貢生狂日日彈冠西望王陽待泥封屢下蒲輪不至  
賣瑯邪產辦舍人裝厚祿故人黃金有術何不分伊肘

後方他年老三千里外八十思鄉  
何如吾壽華堂在  
丞相東山舊第傍任王人親至不妨高枕吾州盛事更  
短隣墻我學希夷邀公共坐遊戲壺中日月長山僧道  
成仙未晚救火須忙

法駕導引

壽治中

棠陰日棠陰日清美近花朝共喜治中持福筆春當霄  
漢布寬條蘭蕙雪初消  
和氣滿和氣滿生意到漁樵  
清徹已傾螺子水黑頭宜著侍中貂天馬擬歸朝



前調

壽治中

蟠桃熟蟠桃熟一熟一千年比似相公年正少朱顏綠  
鬢錦蟬連肉色更光鮮西江好西江好春雨碧粘天  
見說內家消息近佳人拜舞壽觴前扶醉起金鞭

前調

壽割侯

兒童喜兒童喜獻壽摘仙桃篋峒鳴狐成鬼火花村買  
犢賣蠻刀惟有使君勞燕山桂燕山桂猶帶竇家香  
月殿一枝金粟滿囊中玉屑擣成霜和露入霞觴

前調

壽吳  
蒙庵

金莖露金莖露絕勝九霞觴  
揆碎菊花如玉屑滿盤和  
月燕風香不老是丹方  
六十七六十七七歲見端平  
記得是秋除目好近年大路到南京  
楚製起諸生

前調

壽胡  
潭東

春小小春小小梅漸著些些  
未必神仙無白髮依然林  
下有黃花潭影浸流霞  
冬十冬十冬十冬十亥字鴈斜斜  
不用瑤池偷碧實不須勾漏博丹砂  
其子新漳  
浦縣尹  
陰德遍

人家

前調

壽城山用壽  
胡潭來韻

臣尚少臣尚少少似此翁此點半點斑今似雪飛來飛  
去自如花醉眼看紅霞 人間事人間事倒杖拄頤斜  
冷冷清清水下水吞吞忍忍飯中砂選到老人家

前調

天正子天正子亥正較差此床下玉靈頭戴九手中銅  
葉錦添花乞汝作飛霞

城山以石龜為  
壽銅荷葉盛之

遼東鶴遼東

鶴無語鶴頭斜塵土不知灰變縞周遭會見頂成砂城  
郭待還家

前調

壽胡  
盤居

盤之水盤之水清可濯吾纓我與盤仙疎一月黃花滿  
意繞荒城懷抱向誰傾 十之十十之十十到千齡  
我與盤仙同一月不占甲子後先晴攜手看昇平

前調

代壽  
丹山

東風雨東風雨河漢洗蓬萊只見丹山高萬丈不知古

金瓶梅詞話卷之二十三  
卷十  
驛路傍埃到海幾時回 二月八二月八長見醉桃腮  
天上玉堂懷舊草面前金鼎又無梅除是老翁來

前調

壽刺  
仲簡

五月五五月五細雨綠菖蒲早是高花開九節花堪結  
子節堪扶持此揆初初 長命縷長命縷兒女漫區區  
何似屏星南極裏清如寒露在冰壺一府號僊儒

水調歌頭

壽詹  
天

鶴會正陽後又為此公來向時圯上不似魁梧出塵埃

少日河東賦手醉裏新豐對草談笑上金臺太子少靈  
氣馬客豈僂才紫貂裘駭犀劔鸚鵡盃龍涎沈水是  
淺薄命有人猜聞說老僂清健想是風姿皓偉天語快  
行催鳧舄看雙去槐第是親栽

前調

壽晏  
雲心

五五復五五二八且重重後天先甲如此滿月喜相逢  
一日須傾三百月小又輸一日不滿九千鍾但願客常  
滿莫問海尊空賦長篇賡短韻剌談叢亂來風日自

美一橘兩衰翁幾見東陵瓜好又看西鄰葵爛半醉半醒中偶得洞賓像混混起相從

前調

謝和溪  
園來壽

夫子惠收我謂我古心徒閒居有客無酒有酒又無魚  
報道犀兵遠墜問訊陳人何似陳似隔年莫天壤亦大  
矣知有孔融乎白雪歌丹元贊赫蹠書洪崖何自過  
我便作授經圖

溪園號洪  
崖處士

教我天根騎月

諺謂廿四為  
騎月見放翁

詩規我扶搖去意餐我白芝符

五芝惟白  
芝名白符

從此須溪里

更作赤松湖

僕故居須山之陽曰須溪山即公行窩故云東陽記有赤松湖云赤松子安期生共

博於湖間也

前調

壽周溪園

有序

天九積陽月半將望恭惟某官嘉定間氣西

江耆英喬木南山為人父為衆父光風霽月

有一天有二天固宜十萬戶之民同致八千

秋之祝某俚歌水調上贊金丹輒陳宗工竊

幸微眚



先生豈我輩造物乃其徒荷衣自放林壑亦未棄銀魚  
留得東籬晚節笑倒龍山禿帽一醉挿茱萸天下有大  
老攜手盍歸乎 別頭經三晝夢一編書向之麟者止  
矣且看老溪圖歷遍後天既未依約明朝三五乾體適  
當符還以奉公壽不是講鵝湖

前調

日獻洞賓公像於溪園先生報以塔庭府  
公耐軒壽容曰是類吾子且三疊前水調

以證之於是某得自號為小耐矣雖甚無似不  
敢當顧公所覽揆如此誼不虛辱輒續之好歌

無忘  
佳話

似似不常似似我一生徒畫工自畫龍種忽近海飛魚

大笑北宮稱弟

北宮子謂西門子曰吾年兄弟也貌兄弟也而貴賤父子也毀譽父子也愛憎

父子也遂使西河疑女同氣自椒莢且謂杜公者即是老

君乎日給華芎藭本薛羊書馬師真只這是可是甃

浮圖大小盧全馬異天下使君與操但欠虎銅符說甚

左眼痣已過洞庭湖

前調

自龍眠李氏夜過臙仙康氏走筆和其家燈障水調迤暮始歸

不成三五夜不放霎時晴長街燈火三兩到此眼方明

把似每時庭院傳說箇般障子無路與君行推手復却

手都付斷腸聲

適有數少年作此者

漏通曉燈收市人下棚中

山鐵馬何似遺恨杳難平一落搦搦聲憤再見大晟舞  
罷樂事總傷情便有塵隨馬也任雨霖鈴

前調

中秋占

明月幾萬里與子共中秋古今良已如此寂寂幾時留  
何處胡笳三弄尚有南樓餘興風起木颼颼白石四山  
立玉露下平洲 醉青州歌赤壁賦黃樓人間安得十

客譚笑發中流看取橫江皓彩猶似沉河白壁光氣徹  
天浮舉首快哉去燈火見神州

前調

癸未中秋吉文  
共馬德昌泛江

羣動各已息在汝夢中遊塵埃大地如水兒女不堪愁  
寂寂古人安在冉冉吾年如此何處有高樓客有洞簫  
者淚下不能收 庾樓墜秦樓渺楚樓休知公所恨何  
事不是為封侯自有此山此月說甚何年何處重汎木  
蘭舟起舞酌英魄餘憤海西流

前調

寂寂復寂寂此月古時明銀河也變成陸灰劫斷槎橫  
歷落英雄孺子滅沒龍光牛斗勝敗黯然平玉笛叫空  
闕終有故人情 鴈南飛烏統樹鶴歸城問君有酒何  
不鼓瑟更吹笙我飲嗚嗚起舞我舞傲傲白髮顧影可  
憐生舊日中秋客幾處幾回晴

前調

丙申中秋兩道人出示四十年前濯纓樓  
賞月水調驪仙和意已盡明日又續之

此夕酌江月猶記濯纓秋濯纓又去如水安得主人留

舊日登樓長笑此日新亭對泣禿鬢冷颼颼木落下極  
浦漁唱發中洲芙蓉閣鴛鴦閣鳳凰樓夜深白露紛  
下誰見濕螢流自有此山有客但恨有魚無酒不了一  
生浮重省看潮處今夕是杭州

前調

和馬觀  
復中秋

不飲強須飲不飲奈何明也曾劬禿當了依舊滑如冰  
一吸金波蕩漾再吸瓊樓傾倒吾杓亦長盈試入壺中  
看只似世間晴飲連江江連月月連城十年離合老

矣悲喜得無情想見淒然北望欲說明年何處衣露為  
君零同此大圓鏡握手認環瀛

前調

和吳吾  
觀荷

仙掌下馳道清露滴芙蓉無慘似酒初醒身世笑顰中  
萬朶花燈夜燕一葉扁舟海島寂歷五更風誤賞明粧  
靚愁思滿青銅 陂六六三十六渺何窮江南曲曲煙  
雨誰是醉施翁但恨才情都老無復風流曾夢縹緲賦  
驚鴻寄語清淨社小飲合相容

前調

甲午九日  
牛山作

不飲強須飲，今日是重陽。向來健者安在世，事兩茫茫。  
叔子去人遠矣，政復何闕。人事墮淚，忽成行。叔子淚自  
墮，湮沒使人傷。燕何歸，鴻欲斷，蝶休忙。淵明自無可  
奈，冷眼菊花黃。看取龍山落日，又見騎臺荒草，誰弱復  
誰強。酒亦有何好，慙醉得相忘。

前調

辛巳前八月九日夜自黃州步歸蕭英甫  
以舟汎予艤本覺寺門外夜深未能睡明

日為賦  
此寄之



山水無宿約村暗自當還不知有客乘興載我弄滄灣  
酒吸明河欲盡月落三星在下未放水風閒影轉松起  
舞扶步入林間恨無人橫野笛叫關山知君慷慨何  
事惜得米陽關看取大江東去把酒淒然北望說著淚  
潺湲我飲自須盡君唱有何難

前調

予初入建府觸官妓於馬上  
後於酒邊妓自言技賦之

雨聲深院裏歌扇小樓中當時飛燕馬上妖豔為誰容  
嬌顛須扶未穩驀裏輕籠小駐玉女最愁峯掠鬢過車

驟回首意忡忡 寶釵斜雲鬢亂幾曾逢誰知去三步  
遠此痛與君同玉筋殘粧誰見懶隨輕痕妙補粉黛不  
須濃重見為低訴餘恨更匆匆

前調

和王槐  
城自壽

未信僂都子曾識老仙翁

仙都槐城  
所領宮觀

卿卿少年去後心

與道人同揮塵不須九釣開閤苦無長物閒日醉千鍾

一笑欠伸起兒戲大槐中

時槐城  
方故妾

友彭聃招園綺傲

喬松年來多貫世事莫莫惱司空等得三朝好老恰則

而今虛左梅信已先通富貴政不免從此學癡聾

前調二  
首

百千孫子子八十老翁翁人間天上清福閱世苦難同  
誰歎東門獵倦誰笑南陽舞罷萬事五更鐘但願人長  
久聊復進杯中 故侯瓜丞相栢大夫松諸公健者安  
在春夢轉頭空可笑先生無病病在枕流漱石福至自  
然通聾者固多笑一笑更治聾

我有此容不難作主人翁小年自不相似偶與大年同

先生與槐城同  
月生先後三日  
見說東廂諸少政擁家君勝會二八舞

歌鐘亦欲得公重公在畫堂中  
笑青蒿真小草倚長  
松典衣欲作湯餅家釀媿餅空公有潭州百斛公有秫  
田二頃賀客萬錢通小大不相似但可似公聲

前調

和馬觀復石  
頭波寄韻

明明隔千里風動帳紋開故人錦字如夢夢轉鴈初來  
倚遍西山朝爽行過石頭舊渡久別忽經懷不得與之  
語日夕獨持杯  
調綠水歌白雪有心哉也知尻高啄

免無計脫塵埃狗尾貂蟬滿座身帶鷓鴣弄粉一與一  
臣臺歲晚不如願誰更忿灰堆

前調

臘二十一日  
可遠堂索賦

落日半亭榭山影沒壺中蒼然欲不可極迢遞未歸鴻  
錦織佳人何在春寄故人不到寂寞聽疎鐘木末見江  
去無雪著漁翁 詞春容歌慷慨語玲瓏歲云暮矣相  
見明日是東風遠想使君臺上攜手與人同樂中夜說  
元龍世事無足語且看燭花紅

前調

和彭明叔七夕

不見古時月何似漢時秋朱陳村裏新樣新婦又騎牛

欲說參前氏後

別說二星非經星也

又失河邊河鼓此會沒來由

何處設瓜果

謂今日好事

香動歆溝窶

高麗謂城為溝窶

郭郎者

即與運

誰為理豈情流人間睡五日五日復何悠吾腹空

虛久矣子有滿堂錦繡擯鼻若為酬玉友

臨安七夕酒名

此時

好空負葛巾篋

前調

天地有中氣第一是中元新秋七七月出河漢斗牛間  
政是使君初度如見中州河嶽綠鬢又朱顏莖露一杯  
酒清徹瑞人環 大暑退潢潦淨彩雲斑三士三甲厚  
重屹不動如山從此五風十雨自可三年一日香寢鎮  
獅蠻起舞願公壽未可願公還

前調

陳平章  
即席賦

夜看二星度高會列羣英蒼顏白髮烏帽風入古槐清  
客有羽衣來者仍是尋常百姓坐覺孟公驚且勿多酌

我未厭我狂醒 金甌啓銀信喜袞衣新向來淮浙草  
木隱隱有餘聲聞說井欄砂語感念石壕村事傾耳發  
驚霆舉酒奉公壽天意厚蒼生

前調

和尹  
存吾

造物反乎覆白首困者英吟風賞月石上一笑再河清  
一百八盤道路二十四橋歌舞身世夢堪驚獨酌未能  
醉已醉驀然醒 別與老鷺相見幾回新來時燕棲未  
穩滿耳又蟬聲閒憶錢塘江上兩點青山欲白血石起



鞭霆此事復安在相對說平生

金縷曲

代賀丞相  
有序

恭審天開歷甲旦應生申鍾三光五嶽之英  
五百年生名世處前古當今之會千萬世開  
太平某踰望宮墻伏深贊頌積忱依永奏伎  
小詞上犯鈞嚴不勝悚恐慶抃之至

曉殿龍光起御香濃新詩寫就雲飛相第一自騎箕承  
帝賚千載君臣魚水端不負當年弧矢赤壁周郎神遊

處料羞看故壘斜陽裏今共看更無比  
尊前苦說平生事歎長江幾番風浪幾人膽碎數載太平豐年瑞三  
百年間又幾想皇揆初心應喜漸近中秋團團月算人  
間天上俱清美祝千歲似甲子

前調

壽繆守

秋老寒香圃自春來桔槔閒了二天尺五陌上路歌來  
何暮收得黃雲如土但稽首福星初度不是使君人間  
佛甚今朝欲雨今朝雨持壽酒為公舞  
虎頭畫手誰

堪許寫天人方瞳紅頰共賓笑語衛戟連營三千士簇  
簇滿城簫鼓早恐是留公不住飛去翩翩嫌白鷺算年  
來希姓多登府祝千歲奉明主

前調

寄番總管周  
耐軒生日

春入番江雨滿湖山鷺啼燕語前歌後舞聞道行驄行  
且止却聽譙樓更鼓正未卜陰晴同否老子胸中高小  
苑這精神堪更開封府新治足舊民苦扁舟浩蕩乘  
風去看萊衣思賢堂上壽觴朝舉六十二三前度者敢

望香山老傳又過了午年端午采采菖蒲三三節寄我  
公矯矯扶天路重歸袞到相圃

前調

壽李公  
謹同知

我誤留公住看人間猶是重陽滿城風雨父老棠陰攜  
孺子記得元宵歌舞但稽首烏烏無語我有桓箏千年  
恨為謝公目送還雲撫公不樂尚何苦吾儂心事憑  
誰訴有誰知閉戶窮愁欲從之去聞道明朝生申也滿  
酌一盃螺浦又知復明年何處天若有情西江者便使

君驄馬來當路香瓣起勝金縷

前調

和同姓草叔曲本胡  
端逸見壽韻並謝

忘却來時路恨蒼蒼寒冰棄我江南閒處世事早知今  
如此何不老農老圃更種箇梅花深住凍雨前朝浯溪  
石對蒼苔墮淚憐臣甫山似我兩眉聚 歲云暮矣如  
何度但多情寂寥相念二三君子越石莫年扶風賦猶  
解聞鷄起舞恨不減二三十歲一曲相思碧雲合醉馮  
君為我歌如縷君念我似同祖

前調

壽陳  
靜山

昨醉君家酒便從今萬八千場未踈老友人道水僊標  
格俊不許梅花殿後但贏得一年年瘦迤邐聚星樓上  
雪待天風浩蕩重攜手酌君酒獻君壽 年前春入燕  
臺柳看聯翩四輩金鞭長楸承受豈有中朝甌覆久更  
落闕山海口端自有玉堂金斗我喜明年申又酉但乞  
漿所得皆醇酎拚醉裏送行晝

前調

壽朱氏老人  
七十三歲

七十三年矣記小人四百四十五番甲子看到蓬萊水  
清淺休說樹猶如此但夢夢昨非今是一曲尊前離鸞  
操撫銅僊清淚如鉛水歌未斷我先醉 新來畫得者  
英似似灞橋風雪吟肩水僊梅第里巷依稀靈光在飛  
過劫灰如洗笑少伴烏衣餘幾老子平生何曾默號默軒  
暮年詩句句皆成史箇亥字甲申起

前調

和潭東勸  
飲壽觴

拍甕春醅動洞庭霜壓綠堆黃林苞堪貢況有老人潭

邊菊搖落賞心入夢數百歲半來許中

俗語  
中半

兒女牽衣

團樂處繞公公願獻生申頌公性澀待重風 人生一

笑何時重奈今朝有客無魚有魚留凍何似尊前斑斕

起低唱淺斟齊奉也不待烹龍魚鳳此會明年知誰健

說邊愁望斷先生宋

時宋京  
議和

醒最苦醉聊共

前調

絕北寒聲動渺黃昏葉滿長安雲迷章貢最苦周公千  
年後正與莽新同夢五十國紛紛入中搖颺都人歌鄙



塢問何如昨日崧高頌臚九錫竟誰風 當初共道擎  
天重奈天教垓下風寒滄沱兵凍寂寞放翁南園記帶  
得園柑進奉悵回首何人修鳳寄語權門趨炎者這朝  
廷不是邦昌宋真與質可能共

前調

杜叟陳君風誼動人歲一介壽我辭華蔚  
然至謂我黑頭如漆則久不相見故耳為

此發  
歌

吾鬢如霜藥自江南西風塵起倒騎秃尾舊日汾陽中  
書令何限門生兒子到今也陸沉草昧醉裏不行西州

路但斗間看望成龍氣聊寂寞自相慰 夫君自是人  
間瑞歎生兒當如異日孫仲謀耳健筆風雲蛟龍起人  
物山川形勢猶有封狼居胥意伐木嚶嚶幽幽谷問天  
之將喪斯文未吾待子望如歲

前調

和龔竹卿  
客中韻

何處從頭說但傾尊淋漓醉墨踈踈密密看取兩輪東西  
者也是樊籠中物這光景年來都別白髮道人隆中像  
壁間有武侯  
像旅中坐對笑相逢對擁爐邊雪又過了上元節 紙

牕旋補寒穿穴柳黏牕青青過雨勸君休折睡不成酣  
酒先醒花底東風又別夜復夜吟魂飛越典却西湖東  
湖住十三年不出今朝出容易得二三月

前調

賀趙松廬

歲事崢嶸甚是當年爆竹驅儺挿金幡勝忽曉闌街兒  
童語不為上元燈近但笑揀梅簪公鬢莫恨青青如今  
白願年年記取東君信中未墜笑重整他年不信東  
風冷鼓連天銀燭花光柳芽催迸漫說沉香亭羯鼓自

著錦袍吟凭待吹徹玉簫人醒不帶汝陽天人福便不  
教百又餘年剩歌此曲休辭飲

前調

壬午  
五日

葉葉跳珠雨裏湖通十里紅香畫橈齊舉昨夢天風高  
黃鵠下俯人間何許但動地潮聲如鼓竹閣樓臺青青

草問木綿羈客魂歸否

西湖裏湖荷花最盛賈似道建  
第葛嶺與竹閣為隣裏湖由是

禁不往來似道貶  
死漳州木綿巷

盤泣露寺鐘語

夢回酷似靈均苦

歎神遊前度都非明朝重五滿眼離騷無人賦忘却君

愁弔古任醉裏烏烏縷縷渺渺茂陵安期叟共鄱池夜

別還干楚采澗綠久延佇

廣州蒲礪寺安期生家也始  
皇嘗至其家共語三日夜今

其地猶產菖蒲十二  
節生服菖蒲得仙者

### 前調

疊韻

襟淚泠泠雨料騷魂水解千年依然輕舉還看吳兒昏  
濤上高出浪花幾許絕倒是東南旗鼓風雨蛟龍爭何  
事問綵絲香粽猶存否溪女伴采蓮語 古人不似今  
人苦漫追談少日風流三三五五誰似鄱陽鷓鴣者相

望懷沙終古待喚醒重聽金縷尚有遠遊當年恨恨南  
公不見秦為楚天又暮黯凝佇

前調

五日  
和韻

錦岸吳船鼓問沙鷗當日沉湘是何端午長恨青青朱  
門艾結束腰身似虎空淚落嬋媛嬋女我醉招纍清醒  
否算平生清又醒還誤纍笑我醉中語 黃頭舞棹臨

江處向人間獨競南風叫雲激楚笑倒兩崖人如蟻不

管頹波千屨忽驚抱汨羅無柱

聞兩日觀  
波有溺者

欸乃漁歌斜

陽外幾書生能辦投湘賦歌此恨淚如縷

前調

古巖和去年九日約  
登高韻再用前韻

破帽吹愁去繞郊墟殘灰敗壁冷烟斜雨舞馬夢驚城  
鳥起散作童妖竈語漫說與謝仙一句猶記醉歸西州  
路問行人望望驪烽誤幾未失喪公屨高高況是興  
亡處望平沙落日湖光暗淮沉楚寂寞西陵歌又舞疑  
冢嗟峨新土金人為曹操  
疑冢增土黯牛笛參差歸路試問文君  
容賒否待東籬更就黃花浦拚酩酊浣藍縷

前調

丙戌  
九日

風雨東籬晚渺人間南北東西平蕪烟遠舊日攜壺吹  
帽處一色沉冥何限天不遣魄消腸斷不是苦無看山  
分料青山也自羞人面秋後瘦老來倦驚回昨夢青  
山轉恨一林金粟都空靜無人見默默黃花明朝有只  
待插花尋伴又誰筭今朝蝶怨潦倒玉山休重醉到簪  
萸忍待人頻勸今又惜幾人健

前調

九日  
即事



與客攜壺去望高高半山失却滿城風雨何許白衣人  
邂逅小立東籬共語未怪是催租斷句寂寞午雞啼三  
四悄老人橋上前期誤卿且去整吾屨空寒舊是題  
詩處莽雲煙纏蛟舞鳳東吳西楚千古新亭英雄夢淚  
濕神州塊土歎落日鴻溝無路一片沙場君不去空平  
生恨恨王夷甫憑半醉付金縷

前調

登高華蓋嶺  
和同遊韻

攜手登高賦望前山山色如煙煙光如雨少日憑欄峰

南北誰料美人遲暮漫回首殘基冷緒長恨中原無人  
問到而今總是經行處書易就鴈難付斜陽日日長  
亭路倚秋風洞庭一劍故人何許寂寞柴桑寒花外還  
有白衣來否但哨遍長歌歸去尚有孔明英英者悵孔  
明自是英英謾歌未斷鬢成縷

前調

絕江觀桃  
座間和韻

問何年種植獨成蹊  
穠華爛漫錦開千步  
花下老人猶記我不是  
那回賞處并吹却道  
邊謝墅黃四娘家今何

在也飄零俛向前村住千萬恨寄紅雨 攜壺藉草行  
歌暮記前宵深盟止酒况堪扶路破手一杯花浮面不  
覺二三四五更竹裏顛狂崔護試語看花諸君子但如  
今俛仰成前度君不見曲江樹

前調

聞杜鵑

少日都門路聽長亭青山落日不如歸去十八年間來  
往斷予往秀城十七八年自  
巳巳夏歸又十六年矣白首人間今古又驚絕  
五更一句道是蜀天流離子甚當初一似吳兒語臣再

拜淚如雨 畫堂客館真無數 記畫橋黃竹歌聲桃花  
前度風雨斷魂蘇季子春夢家山何處誰不願封侯萬  
戶寂寞江南輪四角問長安道上無人住啼盡血向誰  
訴

前調

古巖取後村如韻  
示予和韻答之

一笑披衣起笑昨宵東風似夢韓張盧李白髮紅雲溪  
上叟不記兒孫年齒但回首秦亡漢駛苦苦漁郎留不  
住約扁舟後日重來此吾已老尚能矣 少年未解留

人意恍出山紅塵吹斷落花流水天上玉堂人間改漫  
款乃聲千里更說似玄都君子聞道釀桃堪為酒待釀  
桃千石成千醉春有盡甕無底

前調

鄉校張燈賦者  
迫和勉强趨韻

燈共牆檠語記昨朝芒鞋蓑笠冷風斜雨入宮槐槐  
影澹化作槐花無數恍不記鰲頭壓處不恨揚州吾不  
夢恨夢中不醉瓊花露空耿耿弔終古 千蜂萬蝶春  
為主悵何人老憶江南北朝開府看取當年風景在不

待花奴催鼓且未說春丁分俎一曲滄浪邀吾和笑先  
生尚是邯鄲步如秉燧續殘炬

摸魚兒

和柳山悟和尚與  
李同年嘉龍韻

漸無多詩朋酒伴東林復幾人許舊時船子西湖柳付  
與東風塵土重記否那月月下旬且避何人疏當朝自  
負甚墮髻愁眉滕韜短後一往似傖父 當年事傷心  
說庾開府人生無百年慮虎頭燕領人間肉不是蜜翁  
翁做今又古是楚對凡亡為是凡亡楚朝朝暮暮聽畫

角樓頭鳴咽未斷重數五更鼓

前調

和謝李同年

記玄都看花君子一生恨奈何許青雲紫陌悠悠者幾箇玉人成土今在否但四海九州屈指從頭疏吾年空負看射虎南山遭逢醉尉何須飲田父神清夢也是堂堂歐府此中無破頭慮種槐不隔鞭蛆惡更祝二郎兒做蒼蒼古漫年又一年老却南公楚池塘春暮笑步步鳴蛙看成兩部正似未忘鼓

前調

三百年人間天上遽如許  
遽如許落花寒食東風雨  
漠漠長陵抔土魂歸不怕些  
不分明又墮人箋疏且無相  
負記昔與諸賢共談洛下  
曾識老人父牛衣淚冷落  
聞鷄東府風塵曾獨深  
慮子規聲斷長門曉春夢不堪  
重做千萬古但目極心傷  
宛轉虞兮楚江東日暮想野  
草荒田而今何處不待雍門鼓

前調

和韻



道醉鄉無邊無岸一尊到彼殊徑是間轉海人知處尺  
地不教渠剝尊亦癭問一斗消醒一石猶難信臨風小  
等記我友醒狂相從有意中路恨羌永 梅花晚早已  
雪堆予鬢此花寧復風韻空寒獨倚天為主天又幾時  
曾定今為晉看秦女山中綠髮垂垂頂百年一瞬歎高  
卧北牕閒過五十無說答形影

前調

辛巳冬和中齋梅詞

記歌頭辛壬癸甲烏烏能和誰曉梅花不待元宵好雪

月交光獨照愁未老更老似渠鬢冷面迎相笑君詞定  
峭但減十年前偎桃傍李肯獨為梅好 山中好可但  
一枝春早道邊無限花草米嘉榮共何戡在還憶永新  
嬌小明年了又喚起流鶯又自愁鷓叫東皇太昊更不  
是瓊花香無半點一笑使人倒

前調

和巽吾  
留別韻

懶能看海桑世界風花過眼如傳月明昨夜庭流水天  
色朝來都變塵石爛銖衣壞和衣減盡誰能怨秦亡楚

倦但剪燭西牕秋聲入竹點點已如霰 當年事本是  
泗亭沛縣却教綿蕝成殿暮年八陣那曾用付與江流  
石轉前楚辯今哨遍是烏烏者燈前勸乾坤較健歎君  
已歸休吾方俯仰種種未曾見

前調

春暮

渺斜陽村煙酒市獨教王謝如此漁翁夢入江頭絮寂  
寂平安西子東風起東風起種桃千樹皆流水橋邊萬  
里甚老子情鍾明朝後日又灑送春淚 青過雨歷歷

遠山如洗暮雲堪共誰倚諸賢洛下風流散輕薄紛紛  
餘幾聊爾爾問世事何如自嗅殘花藥金銅劍履但陌  
上相逢摩挲一笑鑄此幾時矣

前調

甲午  
送春

又非他今年晴少海棠也恁空過清羸欲與花同夢不  
似蝶深深臥春憐我我又自憐伊不見儂賡和已無可  
奈但愁滿清漳君歸何處無淚與君墮春去也尚欲  
留春可問公一醉能頗鍾情剩有詞千百待寫招招

招些休阿那阿那看荒荒得似江南麼老夫婆娑問籬  
下閒花殘紅有在容我更簪朵

前調

今歲海棠遲開半月然一夕  
如雪無啟予者賦此寄恨

是他家絳唇翠袖可容卿有功不相思不到胭脂井只  
隔東林烟柳春去又漫一夜東風吹得花成舊無人舉  
酒但照影堤流圖他紅淚飄灑到襟袖 人間事大半  
歸謀諸婦不如意十八九敲門夜半窺園李赤脚玉川  
驚走何處有更炙燭風流看到人歸後休休回首笑舊

日園林佳集

曾園洞中樓名

蜀錦

平園亭名

處處可攜手

前調

酒邊留同年徐雲屋三首

怎知他春歸何處相逢且盡尊酒少年嫋嫋天涯恨長  
結西湖煙柳休回首但細雨斷橋憔悴人歸後東風似  
舊問前度桃花劉郎能記花復認郎否君且住草草  
留君剪韭前宵正恁時候深盃欲共歌聲滑翻濕春衫  
半袖空眉皺看白髮尊前已似人人有臨分把手歎一  
笑論文清狂顧曲此會幾時又

正何須陽闕腸斷吳姬苦勸人酒中年懷抱縈縈處看  
取半煙和柳柳搖首笑飛到家山已是醱釀後留連話  
舊問溪上兒童頗曾見我有此故人否 相逢地還憶

今宵三韭

本語謂  
廿七也

青山只了迎候東風自送歸帆去吹

得亂紅霑袖暮雲皴聽杜宇高高啼向無何有江花垂

手任春色重來江花更好難可少年又

大垂手小  
垂手舞名

待欲歸家山未得方知名不如酒丹砂便做金勾漏難  
遣鬢青似柳試搔首記移竹南塘又是三年後情懷非

舊歎少日相如壚邊老去能賦上林否  
種蘭處贏得青青種韭淵明中路相候何須更待三三徑也自長拖衫袖青袍皺便持當金貂賒取隣家有小兒拍手笑昨醉如泥盟言止酒何事醒來又

前調

賦雲  
東樓

更比他東湖前度依然一榻如許深深舊是誰家府落  
日畫梁燕語簾半雨記湖海平生相遇亡賓主闌珊春  
暮看城郭參差長空澹澹沙鳥自來去  
江山好立馬



白雲飛處秦川終是吾土登臨笑傲西山笏煙樹高高  
杜宇君且住況泉甘雙井汲遍茶堪煮歌殘金縷恰黃  
鶴飛來月明三弄仍是岳陽呂

前調

守歲

是疑他春來儻忽是疑歲別人去古今守歲無言說長  
似酒闌情緒堪恨處曾親見都人戶銀花樹星河未  
曙聽朝馬籠街火城簇仗御筆已題露 人間事空憶  
桃符舊句三茅鐘自朝暮巖城夜禁故如鬼况敢馮陵

大噀夔夔鼓但畫角聲殘已是新人故休思前度歎五  
十加三明朝領取閒看五星聚

前調

和中齋  
端午韻

醒復醒行吟澤畔焉能忍此終古招魂過海楓林暝招  
得魂歸無處朝又暮但依舊禁街人靜夔夔鼓畫船沉  
雨聽欵乃漁歌興亡事遠咽咽未能句君且住能歌  
吾不如汝悠然鼓枻而去滄洲擘結芳成艾喚作張三  
李五羌自苦更閒却玉堂端帖多多許無人自語把畫

扇鷺邊香羅雲底題作千年午

前調

贈友人

想幻安遼東歸後自羞年少龍首長安市上壚邊卧枉  
却快行家走空兩袖染醉墨淋漓把似天香透功名避  
逅便六一詞高君謨字偉但見說行畫人間事苦似  
成舟無候神清苔字如鏤明年六十聞歌後頗記薄醺  
醺否兒拍手笑馬上葛疆也作家山友煩伊起壽更時  
復一中母多酌我疎影共三嗅

前調

水東桃  
花下賦

也何須晴如那日欣然且過江去玄都縱有看花便耿  
耿自羞前度堪恨處人道是漫山先落坡翁句東風綺  
語坡海  
市詩但適意當前來尋須賦此土亦吾圃 海山石  
猶記芙蓉城主彈過飛種成土是間便做僊家杏誰與  
一栽千樹朝又暮悵二十五年臨路花如故甲子  
初見人生  
自苦祇喚渡觀桃侵尋至此世事奈何許

前調

醉與君狂歌又笑不知當日何調孤山梅下吟魂冷說

甚那時蘇小滄波眇奈此鳥纍纍竟是誰家表

皆謂先正葬處

也歸歟白鳥看四聖飄杳朱門金榜化化竺飛嶠 衰

也久舊遊夢翠禽繞塊兮軋皎兮窈相思一夜牕前白

誰識予懷孑孑殘年了聽畫角悲涼又是霜天曉餘音

杳縹歎五十之年我加八九君隔幾科詔

前調

辛巳自壽年五十

是耶非吾年如此更癡更悔今昨狂吟近日疎於酒轉

似秋山瘦削渾未覺  
凭兒子門生前度登高弱  
情懷又惡歎親友  
中年不堪離別况復久零落  
長生藥有分神僊難學  
人生聊復行樂百年半  
夢隨流水半在南枝  
北夢妾命薄但寂寞  
黃昏時聽城樓角  
愁無可著且取醉尊前  
明朝休問昨日已忘却

前調

壽王城山

對尊前簪花騎竹老胡起  
起能舞春風浩蕩天涯去  
惟有薰琴自語槐正午  
看萬戶蜂脾簾幙雙雙  
孔嬌兒駢

女漫學得琵琶依稀馬上總是主恩處  
凌煙像空倚  
臨風玉樹并沉事遽如許劉郎慣是瑤池客又醉碧桃  
三度花下數記三度三千結子多紅雨年年五五共準  
擬塔庭釵符獻酒裊裊綴雙虎

